

**GWEINIDOGION Y DU SY'N GWEITHIO MEWN MEYSYDD
DATGANOLEDIG**

**103 - Rheoliadau Cyd-drefnu Nawdd Cymdeithasol (Buddion mewn
Nwyddau neu Wasanaethau etc.)**

Dyddiad gosod yn Senedd y DU: 24 Ionawr 2019

Sifftio

A fydd angen eu sifftio yn Senedd y DU?	Oedd
Gweithdrefn:	Negyddol arfaethedig
Dyddiad trafod gan Bwyllgor Offerynnau Statudol Ewropeaidd Tŷ'r Cyffredin	5 Chwefror 2019
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	yr wythnos yn dechrau
Dyddiad y daw'r cyfnod sifftio i ben yn Senedd y DU	12 Chwefror 2019
Datganiad ysgrifenedig o dan Reol Sefydlog 30C:	Papur 22
Memorandwm Cydsyniad Offeryn Statudol o dan Reol Sefydlog 30A (oherwydd ei fod yn diwygio deddfwriaeth sylfaenol)	Papur 23

Gweithdrefn graffu

Canlyniad y broses sifftio	Ddim yn hysbys
Y weithdrefn	Negyddol neu Gadarnhaol
Dyddiad trafod gan y Cyd-bwyllgor ar Offerynnau Statudol	Ddim yn hysbys
Dyddiad trafod gan Bwyllgor Offerynnau Statudol Tŷ'r Cyffredin	Ddim yn hysbys
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Ddim yn hysbys

Sylwadau

Bwriedir i'r Rheoliadau hyn gael eu gwneud gan Lywodraeth y DU yn unol ag adran 8(1) a pharagraff 21 o Atodlen 7 i Ddeddf yr Undeb Ewropeaidd (Ymadael) 2018.

Ar hyn o bryd, mae gan Aelod-wladwriaethau'r UE drefniadau cyfatebol sy'n golygu bod gofal iechyd ar gael i ddinasyddion yr Aelod-wladwriaethau hynny ble bynnag yn yr UE y byddant yn cael mynediad at ofal iechyd. Os bydd y DU yn gadael yr Undeb Ewropeaidd heb gytundeb, ni fydd y trefniadau hyn bellach yn berthnasol i ddinasyddion yr UE yn y DU (ac i'r gwrthwyneb).

Bydd y Rheoliadau yn dileu cyfeiriadau diangen yng nghyfraith y DU na fyddant bellach yn berthnasol pan fydd y DU yn gadael yr Undeb Ewropeaidd. Byddant hefyd yn caniatáu i'r DU ddarparu diogelwch

trosiannol i ddinasyddion yr UE tan 31 Rhagfyr 2020. Bydd hyn yn berthnasol i ddinasyddion Aelod-wladwriaethau'r EU lle mae cytundeb â Llywodraeth y DU ar drefniant cyfatebol ar gyfer dinasyddion ei gilydd.

Mae'r Rheoliadau hyn yn diwygio offerynnau'r UE a ganlyn-

Rheoliad (EC) 883/2004 Senedd Ewrop a'r Cyngor dyddiedig 29 Ebrill 2004 ar gyd-drefnu systemau nawdd cymdeithasol;

Rheoliad (EC) Rhif 987/2009 Senedd Ewrop a'r Cyngor dyddiedig 16 Medi 2009 sy'n pennu'r weithdrefn ar gyfer gweithredu Rheoliad (EC) Rhif 883/2004 ar gyd-drefnu systemau nawdd cymdeithasol;

Rheoliad (EEC) Rhif 1408/713 dyddiedig 14 Mehefin 1971 ar gymhwyso cynlluniau nawdd cymdeithasol i bersonau a gyflogir, i berson sy'n hunangyflogedig ac i'w teuluoedd sy'n symud o fewn y Gymuned; a

Rheoliad (EEC) Rhif 574/72 dyddiedig 21 Mawrth 1971 sy'n pennu'r weithdrefn ar gyfer gweithredu Rheoliad 1408/71 ar gymhwyso cynlluniau nawdd cymdeithasol i bersonau a gyflogir, i bersonau sy'n hunangyflogedig ac i'w teuluoedd sy'n symud o fewn y Gymuned.

Maent hefyd yn diwygio-

Gorchymyn Awdurdod Gwasanaethau Busnes y GIG (NHS Business Services Authority) (Sefydlu a Chyfansoddiad) 2005;

Rheoliadau Deddf Meinweoedd Dynol 2004 (Cymeradwyaeth Foeseogol, Eithriadau rhag Trwyddedu a Chyflenwi Gwybodaeth am Drawsblaniadau) 2006; a

Deddf y Gwasanaeth Iechyd Gwladol (Cymru) 2006.

O ran yr un diwethaf, bydd diwygiad i adran 131 yn dileu pŵer Gweinidogion Cymru i wneud Rheoliadau i ad-dalu costau teithio i ddinasyddion yr UE (neu i ddinasyddion yr AEE neu'r Swistir) lle'r aed i'r costau hynny at ddibenion cael mynediad at ofal iechyd yng Nghymru.

Mae'r Cynghorwyr Cyfreithiol yn cytuno â'r datganiad a osodwyd gan Lywodraeth Cymru dyddiedig 14 Chwefror 2019 ynghylch effaith y Rheoliadau hyn.

Mae'r datganiad yn cyfeirio at y Memorandwm Cydsyniad Offeryn Statudol a osodwyd mewn perthynas â diwygiadau i Ddeddf y Gwasanaeth Iechyd Gwladol (Cymru) 2006. Mae Llywodraeth Cymru wedi nodi nad yw'n bwriadu gosod cynnig i gynnal dadl o dan Reol Sefydlog 30A.10.

Mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith ac i ba raddau y byddai'r Rheoliadau hyn yn deddfu polisi newydd mewn meysydd datganoledig. Nid yw Cynghorwyr Cyfreithiol o'r farn bod unrhyw faterion sylweddol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.

Efallai y bydd yr Aelodau am ystyried a ddylid gosod cynnig cydsyniad yn unol â Rheol Sefydlog 30A.10 mewn perthynas â'r Rheoliadau hyn, o ystyried nad yw Llywodraeth Cymru yn bwriadu gwneud hynny.